

山海經第十二

晉 郭璞傳
明 吳瑄校

海內北經

海內西北陬以東者

蛇巫之山上有人操杯而東向立一曰龜山杯或作楛字同

西王母梯几而戴勝杖梯謂憑也其南有三青鳥為西王

母取食又有三足鳥主給使在崑崙虛北有人曰大行伯把戈

其東有犬封國昔盤瓠殺戎王高辛以美女妻之不

里地封之生男為狗女為美人是為狗封之國也貳負之尸在大行伯東

山海經 卷之十二

犬封國曰犬戎國狀如犬黃帝之後卜明生白犬二頭自相牝牡遂為此國言

狗國也有一女子方跪進杯食與酒也有文馬縞身色白如縞也

朱鬣目若黃金名曰吉量一作良乘之壽千歲周書曰犬戎文

馬赤鬣白身目若黃金名曰吉黃之乘成王時獻之六韜曰文身朱鬣眼若黃金項若雞尾名曰雞斯之

乘大傳曰駮身朱鬣雞目山海經亦有吉黃之乘壽千歲者惟名有不同說有小錯其實一物耳今博舉

之以廣異聞也

鬼國在貳負之尸北為物人面而一目一曰貳負神

在其東為物人面蛇身

蝮犬音陶或作蝮音鈎如犬青食人從首始

窮奇狀如虎有翼毛如蝮食人從首始所食被髮在蝮

犬北一曰從足

帝堯臺帝嚳臺帝丹朱臺帝舜臺各二臺臺四方在

崑崙東北

此蓋天子巡狩所經過夷狄慕聖人恩德輒共為築立臺觀以標顯其遺跡也一本云所殺相柳地腥臊不可種五穀以為眾帝之臺

大蓬其狀如螽朱蛾其狀如蛾

蛾蚍蜉也楚詞曰玄蜂如壺赤蛾如象謂

此也

嶠其為人虎文脰有脊

言脚有膊腸也嶠音橋

在窮竒東一曰

狀如人崑崙虛北所有

此同上物事也

闕非人面而獸身青色

闕音榻

據比一云撮比之尸其為人折頸被髮無一手

山海經

卷之十二

二

環狗其為人獸首人身一曰蝟狀如狗黃色

秣其為物人身黑首從目

秣即魅也

戎其為人人首三角

林氏國有珍獸大若虎五彩畢具尾長于身名曰騶

吾乘之日行千里

六韜云紂囚文王閔天之徒請林氏國求得此獸獻之紂大悅乃釋

之周書曰夾林酋耳酋耳若虎尾參於身食虎豹大傳謂之任獸吾宜作虞也

崑崙虛南所有汜林方三百里

從極之淵深三百仞維氷夷恒都焉

氷夷馮夷也淮南云馮夷得道

以潛大川即河伯也穆天子傳所謂河伯無夷者竹書作馮夷字或作氷也

氷夷人面乘

兩龍

畫四面各乘靈車駕二龍

一曰忠極之淵陽汙之山河出其

中凌門之山河出其中

皆河之枝源所出之處也

王子夜之尸兩手兩股胷首齒皆斷異處

此蓋形解而神連貌

乖而氣合合不為密離不為踈

舜妻登比氏生宵明燭光

即二女字也以能光照因名云

處河大澤

澤河邊溢漫處

二女之靈能照此所方百里

言二女神光所燭及者方百里

一曰登北氏

蓋國在鉅燕南倭北倭屬燕

倭國在帶方東大海內以女為主其俗露紵衣

服無針功以丹朱塗身不妬忌一男子數十婦也

朝鮮在列陽東海北山南列陽屬燕

朝鮮今樂浪縣箕子所封也列

亦水名也今在帶方帶方有列口縣

山海經

卷之十二

三

列姑射在海河洲中

山名也山有神人河洲在海中河水所經者箕子所謂藐姑射

也

姑射國在海中屬列姑射西南山環之大蟹在海中

蓋千里之蟹也

陵魚人面手足魚身在海中

大鰻居海中

鰻即魴也音鞭

明組音祖邑居海中

蓬萊山在海中

上有仙人宮室皆以金玉為之鳥獸盡白望之如雲在渤海中也

大人之市在海中

山海經第十二終